

上諭旗務議覆
諭行旗務奏議

(二)

臺灣學堂書局印行

上諭旗務議覆

上諭我國家膺圖受命則有佐命元臣際會風雲開拓疆宇至於承平之世亦有勞臣宣力綏靖不庭凡厥鴻猷駿烈焜耀旗常於是酬庸獎功賜以公爵其中分爲一等至二等三等所以第其勲勞表其閥閼同於古者河山帶礪之盟爰及苗裔永久勿替甚盛典也朕考古封爵之制漢唐以來公侯皆係以郡縣之名而漢世功名顯著者則加以美號如信武冠軍建忠定遠之屬並以榮名垂光史冊本朝封王者皆選用嘉美字樣其嗣王襲封則因之而公爵則但分等次未有封號字樣朕意欲考其當日勲庸錫以嘉名

追加爲某公使勲勞之臣顯功丕績常赫赫在人耳目間而其子孫承襲封號亦皆顧名思義共加奮勉世爲國家効忠抒力期踵美前人之光以副朕褒念勲舊之至意至於宗室外戚則倣古恩澤侯之例命爲奉恩公或承恩公以昭寵錫其如何命名定制并將歷來功臣勲戚加錫美號之處著該部詳查定議具奏特諭

禮部議覆恭惟我

國家誕膺

天命撫綏兆民六服承德萬年鞏固其間佐命元勲承平

良弼固已第其勲勞

之公爵分爲一二三等以示褒榮我

皇上篤念勲舊更加追獎聿稽懋績

錫予嘉名至宗室外戚亦倣古制以昭

寵錫令_臣等詳查定議具奏仰見我

皇上崇德褒功優渥加隆之至意本

朝定鼎以來魁傑奇英後先彪炳鴻猷駿烈焜耀旗

常旣列公爵以酬庸爰及苗裔而勿替誠宜考其

平生之實蹟加以顯榮之美名_臣等竊以佐命之

臣開疆拓宇者則倣漢之信武建忠奉義建策唐

之翼國者因宋之福國元之忠武壽國明之雄武

靖寧等名於承平之世宜勞盡力者則倣漢之尉

聖祖武皇帝德唐之安國宋之崇國成國元之
寧國定國明之崇信忠勤等名各擬美名務期至
當凡厥後嗣咸襲嘉稱旣榮號之攸分自先猷之
儼在仍以原封一等二等三等字樣冠於美名之
上至於宗室等公伏查我

朝定制原有鎮國輔國等爵應加封爲奉恩公其外
戚等公則倣漢之平恩侯宣恩侯等名命爲承恩
公兼總前代肇錫之嘉名特著本

朝加封之盛軌禮以義起名與實符庶使豐功偉績
垂竹帛以常新亦令勲裔世臣偕河山而永奠顧
名思義益勵臣忠効力抒誠長需

聖澤謹將現今襲封一二三等公十員照伊等先世受
封之年分開列名單恭擬美名呈

覽伏候

欽定仍以原封一二三等冠於美名之上給與始封襲
封之員其宗室公等封爲奉恩公外戚公等封爲
承恩公一併給與

誥命

奏入於雍正九年三月二十五日奉

旨一等公圖海定爲忠達公一等公賴塔爲襄績公三
等公恩額德禮爲奉義公一等公鄂拜爲超武公一
等公圖賴爲雄勇公二等公圖爾格爲果毅公三

公蜚英東爲信勇公三等公多尼庫魯克爲建烈公
三等公和朔圖爲勇勤公一等公揚武裡爲英誠公

散秩大臣尚崇廩查明教場倒塌官房具奏奉

上諭朕從前爲此營房屢降諭旨八旗大臣等緣何至
今尚未脩理今尚崇廩查明奏稱請將鑲黃等四旗
都統等交該部察議其倒塌營房動用官房租銀每
旗派委能員二人監脩等語都統等不必交部其應
脩倒塌之房將該旗都統等養廉銀脩理監脩之員
任伊等的量派委察旗侍衛官員等所司何事如此
事件伊等爲何不行查奏著稽察上諭處大臣等詢
問伊等從前若有查奏之處則已如並未查奏將伊

等交該部察議此事亦著議奏特諭

稽察

上諭處大臣等議覆八旗管房一事都統等遲至二年
尚未具奏亦無脩理乃察旗侍衛官員等並無催
令辦理又未奏

開殊屬不合除將侍衛官員等交部察議外應令各旗
大臣等用養廉銀兩將倒塌管房及官學速爲脩
理其監脩官員令伊等酌量派委鑲黃等四旗現
有房屋已數兵丁居住其缺少房屋應如尚崇廣
所奏無庸重造其撥給甲喇佐領而餘剩之房及
該佐領內無人居住而空閑之房本人領得而賃

與人便之是便。查無異下居住其私
蓋小房賃與民人開舖者應如所奏准賣油鹽等
物外有賣酒者著嚴行禁止至於脩築圍牆置備
木版等項輪替守櫺夜間巡邏造具住房人名清
冊及嗣後有應行脩理官房卽著住房人脩理等
處俱如所奏交與八旗都統等畫一辦理再八旗
每甲喇或護軍校或驍騎校酌派一員令住營房
協同管營房章京一同管轄

奏入於雍正九年四月三十日奉

旨依議

上諭據御史王祖奏稱京師春初米價稍昂業恩軫念

民食特諭五城添設米廠減價糶賣羣黎無不均
聖澤但定例五城糶米槩用錢文交貯戶部目下錢
價雖未高昂祇恐將來錢文積聚必至價昂查戶部
每月給放兵丁錢糧原有一九二八搭放錢文之例
今可否於定例搭放之外暫增分數將五城交貯之
錢配入搭放俟米廠停止仍照前例等語錢文乃民
間日用必需之物向以價值昂貴屢厯

皇考

聖心數年以來朕備極焦勞所以爲便民利用籌畫
經理者亦殫竭心思矣惟是欲價值之得平若遽綱
以官法又恐有生事滋擾之弊此亦天下所共知者
目今發米平糶以濟民食而交納錢文者本是便民

之意今王弼又稱收錢既多則錢價必致漸長此亦
事之所有不可不慮及者朕思錢價之不能平減者
因兌換之柄操於舖戶之手而官府不司其事是以
小人圖利得任意多取以便其私耳今若照五城減
價糶米之道將搭放兵餉之錢文著八旗於五城各
設一局兌換與民照舖戶之數多換數十文至銀一
兩換錢一千文爲率如此則錢價之貴不待禁約自
然平減於民用似有裨益著九卿悉心定議具奏特
諭

九卿等議覆制錢之設本爲有便於生民必使價
值得平然後於日用有益查京師錢舖內其逐

所定錢價之低昂半以經紀之所定爲準大抵錢少則價值必增此際牙行經紀或任意行奸或因一應舖戶內將錢文收貯不肯出換其弊種種不一以致錢價昂貴等前議除每月支放兵餉將銀錢一九二八搭放外再將賣米之錢增數搭放

今

皇上以糴賣之米既多則錢價或漸至昂貴

特諭八旗於五城將搭放兵餉之錢設立錢局較民舖每兩多換錢數十文則不煩禁約而錢價自然得平此誠默運流通裨益民生之妙用也查戶部庫

內現今收貯錢文六萬餘貫賣泉局內現

錢文八萬餘貫再五城十局內自正月至三月
賣米石錢文六萬二千六百餘貫將此項錢文

依

諭旨著八旗於五城各設一局交該旗都察院派員管
理俟選得官房設立錢舖之時即將戶部庫寶泉
局收貯搭放兵丁錢糧之錢文由戶部每舖支給
五千貫俟兌換完時再支給五千貫又查京師錢
舖內俱用市平市平較庫平每兩短三分六釐今
民間以九九色銀每兩換錢九百五十文若較之
庫平及十足銀每兩換錢一千文似屬無多臣等
愚見以爲既係市平換錢卽照市平交庫則換錢

之人既皆歡悅而管理之官員亦不致有贖價之
倘有積惡牙行及一應貿易舖戶將錢文積聚
行出賣或將錢文數十百貫以車載往城外遠
販賣者令提督衙門府尹等處緝拏治罪如此
一應舖戶所得之錢文卽行出賣不敢積聚而
行經紀亦不致任意爲低昂矣

奏入奉

旨依議但八旗各設立錢舖若不得實心管理之人於
民生亦屬無益現今八旗米局俱係揀選官員管理
其換錢之事應否交米局內辦理之處著八旗大臣
等議奏欽此辦理旗務王大臣等議覆制錢於民生

日用最爲緊要因欲錢價得平

特降諭旨令九卿悉心詳議具奏又

勅令八旗大臣等將換錢之事應否交米局內辦理之處議奏仰見

皇上軫念兵民生計詳加籌畫至矣極矣查八旗滿洲

蒙古漢軍共二十四米局每旗特派大臣一員管

理又於叅領驍騎校領催馬甲內擇其有品行實

心効力者派令管理今設立錢舖之處若另選官

房派人管理旣需時日事亦不無遲悞請將換錢

之事卽交管八旗二十四米局之大臣官員辦理

其民間換錢之銀兩成色不一每局將議與銀本

之人僱一名使用其由部運錢到舖之賸價及
人之工價俱由米局滋生之利息內動用支給
過數目彙入年底奏銷再查市平賤其輕重不
請每局由部內領取市平賤各一以備換錢交
之用若平賤有輕重錢數有多寡等弊將失察之
大臣官員一併議處此外俱照九卿議定遵行
奏入於雍正九年五月初七日奉

旨依議

上諭內府佐領下每旗酌量增挑護軍或一百名或二
百名設立烏鎗營其作何操演及應給錢糧米石之
處著莊親王內務府總管等會同大學士蔣廷錫及